



本著作以創用CC「姓名標示-非商業性-禁止改作」4.0國際授權條款釋出。
詳細授權條款，請至 <http://creativecommons.org/licenses/by-nc-nd/4.0/>。
資料來源：教育部電子報「閱讀趣聞客語」專欄 <http://epaper.edu.tw>。

閩／人物／☆☆☆★

老母對囡兒的期待

坐佇『阿羅哈』的頂頭，我送你來到林口龜山。看著社會經濟遮爾糶，無薪假一直放。雖罔咱佇厝內已經參詳好勢，你嘛決定欲來遮讀冊。毋過規路你攏無講半句話，面上嘛無半點笑容。看你毋情毋願的眼神，我心肝內嘛誠艱苦。這是你第一擺離開厝內佇外口蹕。逐日攏佇身軀邊，阿母阿母一直叫的細囡，這馬嘛欲離開厝矣！雖罔誠毋甘，我嘛毋敢表現出來。

行到警大的大門口，你共我講：「阿母，你會當轉去矣！」講了你越頭就行。看你遐爾仔無歡喜的眼神，我的心肝就親像針咧搥。這種情形，我嘛無法度按呢越頭就轉去。我怙怙綴佇你的後壁，等甲你共手續辦好，入去宿舍，我才去坐車。欲轉來進前，我交代你毋通簽刑事系。毋過佇欲轉來的車頂，就接著你敲來的電話，講你已經簽刑事系矣。你閣講做警察本成就是欲為民服務，若無做刑事，是欲做啥？

這工是家長會，我佻翁婿做伙來參加。看你喙笑目笑，皮膚嘛加真好。你講佇警大生活真嚴格。早起六點就愛起床，暗時十一點就關電火。拜一到拜五攏袂當出去外口。你閣講，遮的規定攏是你上無法度忍受的。毋過遮的校規，顛倒是阮序大人上愛的。感謝學校予遮的囡仔正常的生活，共逐个學生攏訓練甲遐爾將才。

畢業了後，你佇北部服務，工課真濟，按早起九點做到半暝兩點。逐工攏真無閒，時常咧失眠。阿母雖罔人佇南部，毋過心就若像綴佇你的身軀邊。逐暗若想著你遐暗猶咧無閒，我嘛定定目睷金金煩惱到天光。好佳哉！你佇六月統一調動的時，調轉來高雄。你嘛真歡喜，會當轉來這個美麗的故鄉服務。你今仔日就欲開始佇高雄上班矣！透早天才拍晷光，阿母就起來共你熨衫。看你穿甲遐爾擎紮，看你充滿自信的笑容，看你對未來充滿希望，我的心內嘛充滿感恩。感謝學校的栽培，感謝菩薩的保底佻祝福，阿母嘛深深祝福你。阿母無向望你大富大貴，干焦向望你一切平安順利。

作者：黃美華

☆詞彙學習☆

【細囡】sè-kiánn/suè-kiánn：指最小的兒子。

【搥】ui：以針狀物刺、戳。

【早起】tsá-khí：早上、早晨。

【拍晷光】pah-phú-kng：黎明。

【擎紮】pih-tsah：衣冠楚楚。形容服飾衣著整齊鮮麗。

【向望】ng-bāng：盼望、希望。